

علی سلامتہ

یا بختک یا عم
علی یا سلامتہ
حتی ف حزنک
فادر تضحک
عارف تکتب
شعر جمیل
قالوا الضاحک
حزنه کثیر
قلبه علیل
طب فهمنی کتبت ازای
ایووووة خلاص
قالها الخال
شعبنا نسای
انسی ازای
ان الفرخ میعاده اتأخر
و ان الحلم
ف نومی اتبخر
و ان العمر ده مش
بالسن
بس السن کمان
بیزید

و ان القلب خلاص بيان

عايز ايد

تمسك ايدة

و يمشوا بعيد

خايف ينسى

انه صغير

فجأة يشيخ

خايف يغلط زى

زمان

اصل خلاص مابقاش

للحزن ف قلبى مكان

طب هو سؤال

قولى بتضحك برده

ازاى

طب بتبيعوا الضحك

ده فين ؟!

اوعى تكون زينا

كداب

تعرف تضحك ع الاصحاب

لما يقولك ايه الاخبار ؟؟

كله تمام

خايف مرة اقول

مش مبسوط

فاطلع صادق
كله تمام
كلمة جميلة
توفر وقت
مناقشة طويلة
مالك طيب؟!
ايه مش عجبك
نفسى عليلة
و حيلتى قليلة
و الدنيا كسييرة
و انا جواها
مش راح ابان
فكله تمام

اميرة يحيى